

害自然除

心安鬼欺

妄念紛紛且失真符圖呪訣費精神鬼神一見嘻嘻笑打石拋磚更害人

祖炁陽晶

先天祖炁至陽晶鍊盡陰魂一性靈九轉玄功成頃刻陰陽交媾結胎嬰

辨真陰陽

真陰真陽既不識水可浴兮火可炙靈光一點不分明受度亡魂有何益

道藏輯要

明真破妄章頌

六

中鼎集五

南昌非心

玄關一竅有陰陽心腎原非水火鄉寄語鍊師高着眼莫將心府作南昌

普度有法

普度工夫又不同金光灼灼照羅鄴黍珠一顆空懸處太極還歸无極中

取炁不同

昧卻自家元氣主妄想天罡對空取恰似騎牛去覓牛此等之人何足語

不識元神

召將先轟令一聲令聲驚起我元神緣何不見元神面只爲時人昧本真

印須心印

心印相傳付有緣今人印木不知玄祖師心印相同處顆顆光明徹九天

靈光一點

書符道妙起工夫委聚毫端篆作符看相想存行呪訣將來只是墨和朱

先天字號

號頭用處須天篆元是皇人按筆書蒼頡後天塵世字用之總道藏輯要

是惑迷愚

妄想陰陽

陰陽吞吐運符中心腎盈虧黑與紅一箇乾坤如許大這些伎倆豈能通

腎中一點

兩腎中間一點明癡人守此欲通靈誰知此處皆陰氣若比陽晶隔萬程

心下元神

人言心下一包空精氣元神聚此中何似癡人容易惑蓋緣不識主人翁

明真破妄章頌

老 中歸集五